

Қазақстандық банктер теңгелік өтімділікпен қамтамасыз етілген

Банк секторындағы теңгелік өтімділікпен ахуал туралы ҚР Ұлттық Банкі Төрағасының орынбасары Алпысбай Ахметов айтып берді.

Оның сөзінше, теңгелік өтімділіктің шамадан тыс артық болуы 2016 жылғы ақпаннан бастап қазіргі уақытқа дейін байқалуда. «Бұл теңгемен құралдар өтімділігінің өсуі аясында салымдарды шетел валютасынан теңгеге айналдыру процесінің басталуымен байланысты», - деп түсіндірді А.Ахметов.

Ол Ұлттық Банктің қысқамерзімді ноттарды шығару, тікелей РЕПО мәмілелерін жүргізу және екінші деңгейдегі банктерден депозиттер тарту арқылы өтімділікті алуына тура келгенін хабарлады. «2016 жылғы ақпанның бірінші онкүндігінің соңынан бастап осы күн аралығында ақша нарығындағы мөлшерлемелер тұрақты болып қалуда», - деп атап өтті А.Ахметов.

Бүгін Мәжілісте ҚР Үкіметінің және Есеп комитетінің республикалық бюджеттің атқарылуы туралы 2015 жылғы есебінің презентациясы болды, оған ҚР Ұлттық Банкі Төрағасының орынбасары Алпысбай Ахметов қатысты.

Ұлттық Банк зейнетақы ақшасын инвестициялық басқару нәтижелері туралы айтып берді

БЖЗҚ зейнетақы активтерінің кірістілігі осы жылдың алғашқы 4 айында 2,2%-ды құрады. Бұл туралы бүгін Мәжілісте ҚР Үкіметінің және Есеп комитетінің республикалық бюджеттің атқарылуы туралы 2015 жылғы есебінің презентациясынан кейін ҚР Ұлттық Банкі Төрағасының орынбасары Алпысбай Ахметов айтты.

Қаржы реттеушісінің өкілі 2016 жылғы 1 қаңтардағы жағдай бойынша Ұлттық Банктің сенімгерлік басқаруындағы БЖЗҚ зейнетақы активтерінің мөлшері 2015 жылы 29,1%-ға ұлғайып, 5,8 трлн. теңге құрағанын атап өтті. Зейнетақы активтерінің 2015 жылы салымшылар шоттарына бөлінген кірістілігі 15,7% болды.

А. Ахметов 2016 жылы күтілетін барлық зейнетақы активтерінің 1 450 млрд. теңге мөлшеріндегі бос ағындары ҚР Президентінің тапсырмасымен бірнеше бағыт бойынша инвестицияланатынын еске түсірді. Бұл — республикалық бюджет тапшылығын қаржыландыру үшін мемлекеттік бағалы қағаздарды (МБҚ) сатып алу (350 млрд. теңге), шетелдік нарықтарға инвестициялау үшін шетел валютасын сатып алу (500 млрд. теңге), квазимемлекеттік сектор субъектілерінің негізделген борыштық бағалы қағаздарын сатып

алу (400 млрд. теңге) және ШОБ-ты қаржыландыру үшін ЕДБ-нің негізделген қаржы құралдарын сатып алу (200 млрд. теңге).

«Бүгінгі күні инвестициялау бағыттары бойынша ахуал мынадай: МБҚ - 170 млрд. теңге; шетел валютасы – 181,6 млрд. теңге; квазимемлекеттік сектор субъектілерінің облигациялары – 50 млрд. теңге; екінші деңгейдегі банктердің негізделген қаржы құралдары – 62,2 млрд. теңге», - деп есеп берді А.Ахметов. Оның сөзінше, БЖЗҚ-ның зейнетақы активтерін осы бағыттар бойынша инвестициялау 2016 жыл бойы жүзеге асырылатын болады.

Маусымда Ұлттық Банк Қазақстанның 2016 жылғы наурыздың соңындағы сыртқы борышын бағалау бойынша деректерді жариялайды

2016 жылғы 1 тоқсандағы есептік төлем балансы және 2016 жылғы 31 наурыздағы жағдай бойынша сыртқы борышты бағалау 2016 жылғы 30 маусымда қалыптастырылып, жарияланады. Бұл туралы ҚР Ұлттық Банкі Төрағасының орынбасары Алпысбай Ахметов ҚР Парламенті Мәжілісінің қабырғасында хабарлады.

Ол сонымен қатар 2015 жылдың соңындағы сыртқы борыш бойынша деректермен бөлісті.

«2015 жылғы 31 желтоқсанда Қазақстанның сыртқы борышы жылдың басынан бері 4 млрд. АҚШ долл. (2014 жылғы 31 желтоқсандағы жағдай бойынша тиісінше 78 млрд. долл. және 157,4 млрд.долл.) азайып, фирмааралық берешекті есептемегенде, 71,6 млрд. долларға, фирмааралық берешекті ескере отырып – 153,5 млрд. долларға бағаланды», - деді А.Ахметов.

Сонымен қатар, оның айтуынша, 2015 жылғы «Банктер» секторының сыртқы міндеттемелері 2,1 млрд. долларға қысқарып, 8 млрд. долл. болды. Бұл резиденттердің еурооблигацияларды сатып алуына және банктердің оларды өтеуіне, сондай-ақ сыртқы қарыздарды өтеуіне байланысты болды, - деп түсіндірді А.Ахметов.

«Банктік емес корпоративтік сектордың сыртқы борышы, бір жылда 5,7 млрд. АҚШ долларына қысқарып, фирмааралық берешекті қоса алғанда, 2015 жылғы 31 желтоқсанда 133,3 млрд. АҚШ долларына жетті. Оған себеп - резиденттердің қарыздар мен еурооблигацияларды өтеуі», - деп түйіндеді қаржы реттеушісі басшысының орынбасары.

Бүгін Мәжілісте ҚР Үкіметінің және Есеп комитетінің республикалық бюджеттің атқарылуы туралы 2015 жылғы есебінің презентациясы болғанын, оған ҚР Ұлттық Банкі Төрағасының орынбасары Алпысбай Ахметов қатысқанын атап өтеміз.

Қазақстанда инфляцияның баяу қарқыны байқалады – А.Ахметов

Қазақстанда 2015 жылғы желтоқсаннан бастап инфляциялық қысымның төмендеуі байқалды. Қазіргі уақытта елде инфляция көп жылдық әдеттегі үрдіске сәйкес келеді. Бұл туралы ҚР Ұлттық Банкі Төрағасының орынбасары Алпысбай Ахметов ҚР Парламенті Мәжілісінің қабырғасында мәлімдеді.

«Ұлттық Банк инфляция процесінің баяулауын болжамдайды. Біз жылдық инфляция деңгейінің 2016 жылдың соңында нысаналы бағдарға жақындайды деп санаймыз», - деді А.Ахметов.

Оның айтуынша, инфляция бойынша орта мерзімді мақсатқа қол жеткізу үшін Ұлттық Банк ақша нарығында пайыздық саясаттың құралын жетілдіру жұмысын жалғастырады, бұл банктердің, кәсіпорындардың және халықтың инфляцияның болжамды деңгейі бойынша күтулеріне тиімді әсер етуіне мүмкіндік береді. Шаралар пайыздық саясатты күшейтуге және тиісінше, Ұлттық Банктің ақша нарығының нарықтық мөлшерлемелеріне ықпалын арттыруға бағытталатын болады.

Ұлттық Банк 2016 жылғы 2 ақпаннан бастап базалық мөлшерлемені белгілеу практикасын жанартқандығын еске сала кету керек, ол +/-2 пайыздық тармаққа ауытқулар шегінде 17% деңгейінде белгіленді. 2016 жылғы 14 наурызда базалық мөлшерлеме өзгерген жоқ.

Ұлттық Банк орта мерзімді кезеңде инфляциялық таргеттеу саясатын іске асыру шеңберінде инфляция бойынша мынадай нысаналы бағдарларды белгілейтіндігін атап өткен жөн: 2016-17 жылдары – 6-8%, 2020 жылға кейіннен біртіндеп 3-4%-ға дейін баяулата отырып, 2018 жылы – 5-7%.

Ұлттық Банктің валюталық нарықта қатысуы айырбастау бағамының тұрақсыз ауытқуларын икемдеуге бағытталды – А.Ахметов

2016 жылғы ақпан-сәуірде мұнай бағасының өсуі аясында теңге айтарлықтай нығайды. 2016 жылғы бірінші тоқсан бойы теңгенің долларға бағамы бір америка валютасы үшін 383.91-340.01 теңге аралықта ауытқыды.

Бұл жөнінде ҚР Ұлттық Банкі Төрағасының орынбасары Алпысбай Ахметов ҚР Парламенті Мәжілісінің қабырғасында айтты.

Ол валюта нарығында теңгенің айырбастау бағамының нығаюы теңгелік өтімділіктің артық ұсынысы аясында ақша нарығындағы мөлшерлемелердің біртіндеп

төмендеуіне әкелгендігін атап өтті. Ақша нарығының MM Index (Money Market index) индикаторы 79,5%-дан (2016 жылғы 5 қаңтарда) 2016 жылғы 17 мамырдағы жағдай бойынша 13,98%-ға дейін төмендеді.

Ұлттық Банктің валюта нарығына қатысуына қатысты, А.Ахметовтің айтуы бойынша, сұраныс пен ұсыныстың арақатынасын және жалпы үрдісті қалыптастыруға әсерсіз негізгі факторлардың ықпалын көрсетпейтін айырбастау бағамының тұрақсыз ауытқуларын икемдеуге бағытталған болатын.

«Жалпы алғанда, 2016 жылғы 4 айда ішкі нарықта шетел валютасын нетто-сатып алу 2,5 млрд. долларды құрады. Осы операцияларды жүргізу долларсыздандыру процесін күшейту нәтижесінде шетел валютасына деген сұраныстың оған деген ұсыныстан артуына себеп болды. Нарықтағы сұраныс пен ұсыныстың арақатынасының өзгеруі теңге тартымдылығының өсуіне және халықтың валюталық артықшылықтарының ауысуына байланысты», - деп толықтырды А.Ахметов.

2016 жылғы 1 сәуірден бастап Ұлттық Банктің ресми сайтында ҚР ҰБ операциялары бойынша ашық позициясы күн сайынғы негізде жарияланатындығын еске саламыз.

Бүгін Мәжілісте ҚР Үкіметінің және Есеп комитетінің республикалық бюджеттің атқарылуы туралы 2015 жылғы есебінің презентациясы болғанын, оған ҚР Ұлттық Банкі Төрағасының орынбасары Алпысбай Ахметов қатысқанын атап өтеміз.

Ұлттық Банктің өкілі базалық мөлшерлеменің өзгеруіне себеп болатын факторларды атады

ҚРҰБ базалық мөлшерлемесінің одан әрі өзгеруі бағаның тұрақтылығын қамтамасыз ету, қаржылық тұрақтылықты ұстап тұру тәуекелдері сияқты факторлардан және экономикалық өсу перспективасына байланысты болды. Бұл жөнінде ҚР Парламенті Мәжілісінің қабырғасында ҚР Ұлттық Банкінің Төрағасы Алпысбай Ахметов айтты.

А.Ахметовтің айтуынша, базалық мөлшерлеме деңгейі теңгелік құралдарға сұраныстың деңгейін және ішкі қаржы нарығындағы ахуалды білдіреді.

Ол 2016 жылғы 5 мамырда базалық мөлшерлемені 15%-ға дейін төмендету және дәлізді 1 пайыздық тармаққа дейін тарылту туралы шешім қабылданғанын еске түсірді. Оның айтуынша, бұл шешім ішкі экономикалық ахуалдың жақсаруы, бағалардың тұрақтылығын және қаржылық тұрақтылықты қамтамасыз ету арасындағы тәуекелдердің

балансының жақсаруын қоса алғанда, сондай-ақ қаржы нарығында теңгемен активтерге деген сенімді қалпына келтіру аясында қабылданды.

«ҚР ҰБ іс-әрекеттері, оның ішінде базалық мөлшерлеменің деңгейі бойынша шешімдер инфляцияның нысаналы деңгейіне қол жеткізуге, теңгеге және банк жүйесіне деген сенімді нығайтуға, сондай-ақ салымшылардың теңгедегі депозиттердің пайдасына басымдық беруін өзгертуге бағытталатын болады», - деп қорытындылады А.Ахметов.

Бүгін Мәжілісте ҚР Үкіметінің және Есеп комитетінің республикалық бюджеттің атқарылуы туралы 2015 жылғы есебінің презентациясы болғанын, оған ҚР Ұлттық Банкі Төрағасының орынбасары Алпысбай Ахметов қатысқанын атап өтеміз.

Қайта қаржыландыру бағдарламасы шеңберінде банктерге қарыздарды қайта қаржыландыруға 21 649 өтінім берілген – Ұлттық Банк

2016 жылғы 1 мамырдағы жағдай бойынша банктерге 21 649 өтінім берілген, оның 88 млрд. теңгеден асатын сомаға 14 760 өтінім мақұлданған. Бұл туралы Ұлттық Банк Төрағасының орынбасары Алпысбай Ахметов ҚР Парламенті Мәжілісінің қабырғасында хабарлады.

Оның сөзінше, Бағдарлама шеңберінде барлығы шамамен 25 000 қарыз қаржыландырылады деп болжанады, оның ішінде шамамен 5 000 қарыз халықтың әлеуметтік тұрғыдан осал топтарына жататын қарыз алушылардікі.

Ұлттық Банк басшысының орынбасары Бағдарламаның іске асырылуына жүргізілген мониторинг, қарыз алушылардың, қоғамдық бірлестіктердің өтініштеріне, банктердің, депутаттардың, банктердің қарыздарды қайта қаржыландырудан бас тартуын қарау жөніндегі комиссиялардың, орталық мемлекеттік және жергілікті атқарушы органдардың ұсыныстарына жасалған талдау нәтижелері бойынша қаражатты тиімді игеруге кедергі келтіретін факторлар айқындалып, Бағдарламаға қатысушыларды кеңейтуге және оның тиімді іске асырылуына бағытталған тиісті шаралар қабылданатынын түсіндірді.

Еске сала кетсек, қазіргі кезде Қазақстан Республикасында ҚР Үкіметінің 2015 жылғы 11 ақпандағы кеңейтілген отырысында Мемлекет басшысы Н.Назарбаев берген тапсырманы орындау үшін қабылданған Ипотекалық қарыздарды қайта қаржыландыру бағдарламасы іске асырылып жатыр. Бағдарлама 2004-2009 жылдар аралығындағы кезеңде қарыз алған ипотекалық қарыз алушыларға жәрдем беруге бағытталған.

Қарыз алушылардың жалғыз баспанасын сақтау және олардың борыштық жүктемесін жеңілдету (сыйақы мөлшерлемесі жылдық 3%-дан аспайды, қарыз бойынша

сыйақы, комиссиялар, тұрақсыздық айыбы бойынша берешек кешіріледі) Бағдарламаның негізгі мақсаттары болып табылады.

Бүгін Мәжілісте ҚР Үкіметінің және Есеп комитетінің республикалық бюджеттің атқарылуы туралы 2015 жылғы есебінің презентациясы болғанын, оған ҚР Ұлттық Банкі Төрағасының орынбасары Алпысбай Ахметов қатысқанын атап өтеміз.

Заңға енгізілген өзгерістер жария ету рәсімдерін айтарлықтай жеңілдетті – А.Ахметов

Ұлттық Банк Төрағасының орынбасары А.Ахметов мүлікті жария ету жөніндегі науқанның іске асырылу барысы туралы айтып берді.

«Жария ету жөніндегі науқан жүрген бүкіл кезеңде 1033 банк шоты ашылды, оларға 711 млрд. теңге енгізілді», - деп хабарлады А.Ахметов.

«Бұл ретте Заңға енгізілген өзгерістер жария ету рәсімдерін айтарлықтай жеңілдетті, бұл мүлікті жария ету қарқынына жағымды әсер етті», - деп атап өтті Ұлттық Банк басшысының орынбасары.

Ол 2015 жылғы 29 қарашада Қазақстан Республикасының 2015 жылғы 13 қарашадағы № 400-V Заңының қолданысқа енгізілгенін еске түсірді, аталған Заң арқылы мүлікті жария ету жөніндегі жүргізіліп жатқан науқан талаптарына оларды жеңілдету тұрғысынан өзгерістер енгізілді, сондай-ақ жария ету субъектілері үшін кепілдіктер кеңейтілді.

Жария ету талаптары жеңілдетілген кезден бері өткен бес айда Қазақстандықтар қосымша 852 шот ашып, 627 млрд. теңгеден аса енгізген. Осылайша, бүкіл ақшаның 88%-ы мүлікті жария ету талаптарын жеңілдетуге бағытталған түзетулер қолданысқа енгізілгеннен кейін жария етілген, - деп түсіндірді Ұлттық Банк басшысының орынбасары.

Бүгін Мәжілісте ҚР Үкіметінің және Есеп комитетінің республикалық бюджеттің атқарылуы туралы 2015 жылғы есебінің презентациясы болғанын, оған ҚР Ұлттық Банкі Төрағасының орынбасары Алпысбай Ахметов қатысқанын атап өтеміз.

Қазақстандықтардың арнайы шоттардағы өтемақы төленетін қаражатының қалдығы 69 млрд. теңгеден асты.

Екінші деңгейдегі банктер берген ақпарат бойынша 2016 жылғы сәуірдің соңында жеке тұлғалардың арнайы шоттарындағы өтемақы төленетін сома қалдығы 69,2 млрд.

теңгені құрады. ҚР Ұлттық Банкі Төрағасының орынбасары Алпысбай Ахметов осындай деректер келтірді.

Ол болжанатын өтемақы сомасының 60 млрд. теңге құрайтынын атап өтті. Бұл ретте, оның сөзінше, қазақстандықтардың депозиттері бойынша өтемақы Ұлттық Банк қаражатының есебінен төленетін болады.

Еске сала кетсек, Ұлттық Банк ҚР Президентінің тапсырмасы бойынша айырбастау бағамының өзгеруіне байланысты жеке тұлғалардың теңгемен ашылған мерзімді депозиттеріне өтемақы төлеу тетігін әзірлеп, енгізді. 2015 жылы Жеке тұлғалардың теңгемен ашылған депозиттері бойынша өтемақы төлеу тәртібі бекітілген болатын. Жеке тұлғаларға өтемақы 2016 жылғы 10 қазанға, 2016 жылғы 10 қарашаға және қоса алғанда 2016 жылғы 10 желтоқсанға дейін төленетін болады.

Осы тетік жөніндегі барлық ақпарат ҚР Ұлттық Банкінің ресми порталында жарияланған.

Бүгін Мәжілісте ҚР Үкіметінің және Есеп комитетінің республикалық бюджеттің атқарылуы туралы 2015 жылғы есебінің презентациясы болғанын, оған ҚР Ұлттық Банкі Төрағасының орынбасары Алпысбай Ахметов қатысқанын атап өтеміз.